



ENB-4-017



KANTIKOU

NEVEZ



# KANTIKOU NEVEZ

---

## I. — Kantik an Oferenn

(var don: *O Kalon zakr*).

### *Diskan*

Kinnigomp holl ar zakrifis  
Gant hor mamm zantel an Ilis  
Sakrifis divin Hor Zalver  
En em ginnig var an aoter.

1

E sakrifis an oferenn  
Jezuz a ra d'e veleien  
Nevezi 'n eun doare dispar  
Sakrifis bras Menez Kalvar.

2

An oferenn !... Pebez tenzor  
Dreizhi Doue a gav enor ;  
Dreizhi e teu d'hon eneou  
Bennoz Doue gant e c'hrasou.

3

Va Doue, d'eoc'h e kinnigan  
Gant resped an oferenn-man,  
D'hoc'h adori, da ziskleria  
Ez oc'h hor Mestr ha Mestr pep tra.

4

Ouzpenn, 'vit ho trugarekât  
Da veza 'n hor c'henver ken mat :  
Holl diganeoc'h hon eus bemdez  
Madoberou, grason nevez.

5

Siouaz ! 'n hor huez tremenet,  
Omp kouezet mil guech er pec'hed ;  
Jezuz, dre verit ho poaniou,  
Pardonit deomp hor pec'hejou.

6

Dre an oferen-man ive,  
Plijet ganeoc'h, o va Doue,  
Pa 'z eo ken paour hon eneou,  
Rei deomp aluzen ho krasou.

7

Kinnig a reomp an oferen  
'Vit ezomou ar bed kristen  
Mez evit tud ar barrez-ma  
E fell deomp pedi dreist peb tra.

8

Dre nerz ar zakrifis santel  
Ra vo diouzomp kaset pell  
Al leoudouet, ar gasoni,  
Ar pec'hed vil, ar vezventi.

9

Ouz an anaoun, o va Jezuz,  
Grit ive eur zell truezus,  
Ha varnho lakit da ziskenn  
Ho koad sakr evel eur c'hleizenn.

10

Ra vo heb dale diboaniet  
Hor c'herent hag hor mignoned ;  
Roit dezho, dre an oferen,  
Ar peoc'h a bado da viken.

1

Guerc'hez Vari, va Mamm garet,  
E harz ar groaz ken glac'haret,  
Va zikourit da skriva don  
Pemp gouli Jezuz em c'halon

12

Ha c'houi, holl zent ha sentezed,  
Ha c'houi, holl elez venniget  
Hor zikourit dre ho pedenn  
Da glevet mat an oferen.

## II. — Eil Kantik an Oferen

(var don: *Ni ho salud, Rouanez an elez*).

Araog ar Gorreou

1

O kristenien, deut omp d'an oferen  
'Vit kaout hon lod er zantela pedenn  
Evit kinnig d'an Doue galloudus  
Ar bleuniou ruz eus Pasion Jezuz.

2

En oferen bezomp leun a evez,  
Leun a zoujans, a feiz, a garantez,  
Evel Mari hag ar merc'hed santel  
Dirag Jezuz er C'halvar o vervel.

3

Var an aoter, koulz ha var ar C'halvar,  
Jezuz d'e Dad a ginnig e c'hlae'har,  
E gorf roget gant skourjezou flemmus,  
E henn gant spenn kurunet truezus.

Kinnig a-ra e dreid hag e zaouarn  
Treuzet skrijus gant an tachou houarn  
E galon baour flastret gant an anken,  
E vuez holl evit ar bec'herien.

5

An oferenn eo Jezuz hag e groaz;  
En hon daouarn e laka madou bras :  
Holl draou ar bed e-skoaz eun oferenn  
'Zo nebeutoc'h eget eur vogedenn.

6

En oferenn adoromp an Dreinded :  
An Tad, ar Mab, ar Spered a c'hlanded ;  
Netra, kerkoulz ha Pasion Jezuz,  
N'hell enori an Tri Ferson eürus.

7

En oferenn trugarekaomp Doue  
'Vit ar grasou a skuilh varnomp bemde :  
Heb Hor Zalver omp paour ha reuzeudik,  
Mez gant Jezuz ni a zo pinvidik.

8

En oferenn goulennomp mat pardon  
Euz ar vouilhenn a vastar hor c'halon :  
Gant gwad Jezuz ni a zo bet prenet,  
Gant e wad sakr ni 'vez ive gwalc'het.

9

En oferenn goulennomp hirvoudus  
Grasou nevez evit bale nerzus,  
Bale nerzus, harpet var Hor Zalver :  
Rak, dre natur, ni 'zo bresk ha dister.

En oferenn pedomp 'vit an Iliz,  
'Vit an anaon a c'houzanv poaniou kriz...  
Pedomp 'vit Breiz, evit an holl vroioù,  
Ma vo Jezus Mestr an holl galonoù.

### Goude ar Gorreou

11

Var an aoter, e lec'h gwin ha bara,  
N'eus dirazomp nemet Jezuz brema.  
Jezuz 'n e bez, gwir den ha gwir Doue !  
Pebez burzud ha pebez karante !

12

O va Zalver, var hon daoulin stonet,  
Ni hoc'h ador gant mil ha mil resped,  
Ha ni a gan gant aelez an nenvou :  
Santel, santel, santel eo an Aotrou !

13

Ni hoc'h ador dindan spesou dister  
Aman ouzomp e kuzit ho splannder,  
Mez er bed all, ma heuliomp ho lezenn,  
Ni ho kwelo e kreiz ar sklerijenn.

### Goude ar Gommunion

14

An oferenn nag hi 'zo prizañ  
Nag hi 'zo mat, ha kaer, ha dudius !  
Ma kemprenfemp he holl zalvoudegez,  
Ni a varfe, beuzet el levenez.

15

Mil bennoz d'eoc'h, o Salver benniget :  
An oferen he deus hor c'hennerzet.  
Ni 'ya breman, laouen hor c'halonou,  
Da stourm ervat enep hor gwall dechou.

-----

### III. — Kantik en enor d'ar Zakramant

(var don: *Oh! l'auguste sacrement*).

*Diskan*

Adoromp Doue  
E sakramant e garante } *bis*

1

O sakramant burzudus  
Leac'h omp maget gant Jezuz ;  
Ennhan ema Hor Zalver :  
Kredi a ran var e c'her.

2

Jezuz, d'an noz kent mervel,  
Ro galloud d'e ebestel  
Da lench ar bara, ar gwin  
N'e gorf hag e c'hoad divin.

3

Ar veleien, d'ar gorreou,  
A gonsaki gant e gomzou,  
Ha Jezuz, Mestr bras ar bed,  
Ouz o mouez a zent bepred.

4

Heb kuitaat e varadoz,  
E chom aman deiz ha noz,  
Chom a ra en hon touez,  
Dalc'het gant e garantez.

5

Eus ar gwin hag ar bara  
Petra jom ! Ne jom ken tra  
Nemet ar spesou dister  
A guz korf, goad Hor Zalver.

6

Aman n'hellomp ket kompren ;  
Ar feiz hebken hor c'helen...  
Gant ar feiz sklerijennet  
Ne fazi ket hor spered.

7

E doare ar sperejou  
Eo n'em laket en hostiou ;  
Pa vez an hostiou torret,  
E gorf sakr n'eo ket rannet.

8

Neb ia d'ar gommunion  
Gant ar pec'hed 'n e galon  
A gemer skouer var Judaz  
Hag a ra eun torfed bras.

9

Mes pa vez, araok tostaat,  
Ar goustianz e stad vat,  
Unanet gant Hor Zalver,  
Gwir eursted e kaver.

10

Meulomp, karomp, adoromp  
Eun Doue ker mat ouzomp ;  
Ret eo sonjal dreist pep tra  
En e zonezon gaera

-----

#### IV. — Holl da Zoue

(var don: *Nous voulons Dieu*).

##### *Diskan*

Klevit, o Mamm a druez,  
Pedenn hon tadou koz :  
Holl da Zoue epad hor buhez  
Holl da Zoue er baradoz *bis*

1

Ni gar Doue e penn hor skohou,  
Hepdan skol vat ne gaver ket ;  
Ni gar Doue en hor lezennou,  
Hepdan nag urz na peoc'h ebet !

2

Ni gar Doue var hor menezioù  
Ni gar Doue var hor mor glas,  
Ni gar Doue e kreiz hor c'hoajou,  
En hor c'halonou mil gwech c'hoaz

Ni gar Doue en hor pardonioù,  
Doue a ra hon levenez !  
Ni gar Doue en hon eureujou,  
Doue hor joa hag hon danvez !

4

Ni gar Doue, ni gar e lezenn ;  
Pell diouzomp, tud dizoue !  
Ni gar Doue, ni gar ar bedenn,  
Doue eo mezur hon ene !

5

Ni gar Doue hag e groaz santel  
Var gement hent, e kement ti ;  
Kroaz Doue a zo hor skoazel,  
Hor miro da fallgaloni !

6

Ni gar Doue, o tud digreden,  
A c'hoanta hen diskar er vro ;  
Ni lavaro gant hor feiz kristen :  
Kentoc'h mervel ive d'hon tro !

7

Holl da Zoue hor bugaligoù,  
Hon tud yaouank o vout er bed !  
Holl da Zoue, gant hor priedou,  
Hon tud koz var hent ar vered.

8

Holl da Zoue hor martoloded  
En doun-vor dare da dremen !  
Holl da Zoue hor gwir zouarded  
E kreiz an tan, var an dachen.

9

Holl da Zoue e traon an Arvor,  
Var ar menez hag en Argoat !  
Holl da Zoue....! Setu hon enor,  
Setu hon nerz e pep stourmad !

10

Holl da Zoue ! An hano kaer-man  
Hon harpo ouz an dud difeiz.  
Holl da Zoue ! Skrivomp anezan  
Var gement karreg 'zo e Breiz.

11

Holl da Zoue ! E pred ar maro  
Doue d'e dro n'hon nac'ho ket !  
Kement kristen mat a lavaro :  
Biskoaz Doue n'am eus nac'het !

V. — Da feiz hon tadou koz !

(var don: *Sainte religion*).

*Diskan*

Da feiz hon tadou koz, ni pôtrez Breiz-Izel,  
Ni zalc'ho mat ato,  
'Vit feiz hon tadou koz hag endro d'he banniel  
Ni holl en em stardo.  
Feiz karet hon tadou, marse ni ho nac'ho,  
Kentoc'h ni a varvo! (*ter*)

1

Keit ha ma lugerno, e bolz uhel an nenvou,  
Ar stered hag al loar hag an heol henniget,  
Ni a gerzo divrall gant hent ar gourc'hemennou  
Hag a vevo dalc'hmât 'vel gwir gatoliked.

2

Keit ha ma vezo mor da luskellat Breiz-izel,  
Da floura he aochou, da bokat d'he reier,  
Kristenien e chomimp, en despet d'an holl vrezel  
A rai deomp an dud fall, marc'hadourien geier.

3

Keit ha ma savo brug var gribenn hor menezioù,  
Ha ma tougo al lann bokedou alaouret,  
Morse ne droimp kein da feiz karet hon tadou :  
Ni 'zo eus an ouenn dud o deus pennou kalet.

4

An déro bras, o stourm ouz an avel kounnaret,  
A dorr kent 'get plega, hep chal gant ar maro :  
'Vel-se ni a zalc'ho penn d'ar bed, d'an droug-  
[spered,  
Ha ne blegimp biken, kentoc'h ni a dorro.

5

An Iliz, rodellet endro da c'har ar vezenn,  
Daoust d'an amzer diroll, a jom stag mat ato ;  
'Vel-se, ouzoc'h, Jezuz, en em stardomp da viken,  
Ha diouz ho karantez netra n'hon distago.

6

Ni a vo kristenien, neket hepken dre gomzou,  
Mes dre an oberou skuilhet en hor buhez ;  
Pedenn hag oferenn, vijil ha sakramanchou....  
Ni 'heulio penn-da-benn gwenojenn ar furnez.

7

Kenavo evit mad d'an holl c'hoarioù noazus,  
D'an dansou milliget a zaon mil ha mil den.  
Na glaskomp ket plijout da Zatan ha da Jezuz ;  
Ne c'hellomp servicha nemet eur mestr hepken.

8

Ni 'zo Bretoned yac'h, dispont e-giz hon tadou ;  
Birvi a ra ennomp kalon ar gwir zoudard.  
Eur Breizad hag a dro da heul ar fals-kredennou  
N'eo ket eur gwir Vreizad, n'eo nemet eun tru-  
[bard !]

9

Mêz eta d'ar c'hrener, d'an trubard ha d'an na-  
[c'her !]  
N'e z'eus var an douar netra ken divalo  
Ni a jomo bodet dindan banniel Hor Zalver,  
Ato a-du gantan, er vuhez, er maro !

## VI. — Kenteliou ar Groaz

(var don : D'hor mamm santez Anna).

### *Diskan*

Kanomp holl, kristenien,  
Kanomp a vouez huel :  
Bremen ha da viken  
Enor d'ar Groaz santel !

1 — *Kroaz an tour.*

Divar beg an touriou  
Ar groaz ' lavar dalc'hmat :  
« Kristenien, d'an nenvou  
Savit ho taoulagad ! »

2 — *Kroaz an hent.*

Ar groaz var an henchou  
'Lavar d'an tremener :  
« Gwir hent bro an nenvou  
Eo hent kroaz Hor Zalver. »

3 — *Kroaz an ti.*

Dirag holl dud an ti,  
Ar groaz ouz ar voger  
A zesk da bep hini  
Derc'hel mat d'e zevel.

4

Deski 'ra d'ar bugel  
Beza bepred sentus ;  
Senti beteg mervel  
Zo bet buhez Jezuz.

5

D'an tadou ha mammou  
E lavar Hor Zalver :  
« Beilhit var eneo  
Em eus prenet ken ker. »

6

Kroaz an ti d'ar c'hlanvour  
Zo ive presius ;  
Ennhi e kav sikour  
Da veza gouzanvus.

7 — *Kroaz ar gador-govez.*

Kroaz ar gador-govez  
A ro keuz d'ar pec'her.  
Bet eo ken didruez  
E kenver e Zalver !

8 — *Kroaz ar beziou.*

Ar groaz var ar beziou  
He deus eun nerz dispar  
D'ober d'ar c'halonou  
Dougen pouez ar glac'har.

9 — *Kroaz an aod.*

Ar groaz, pa ve savet  
E kichennik an aod,  
A ro fizianz bepred  
D'ar paour kez martolod.

10 — *Kroaz ar varn diveza.*

Pa zeui, da fin ar bed,  
Jezuz evel barner,  
E groaz a vo guelet  
O lugerni en aër.

11

En eur velet ar Groaz,  
An dud fall a greno ;  
An dud vat gant joa vras  
Er c'hontrol a drido.

12

Grit deomp, Salver Jezuz,  
Dre verit ho poaniou,  
Gant an holl dud eürus  
Mont neuze d'an nenvou.

VII. — Kristenien da viken

*Diskan*

D'hor mamm santez Anna,  
D'an Intron Varia,  
D'hor Zalver benniget  
Ni vo fidel bepred !

1

Hor c'halon baour mantret  
Gant glac'har hag enkreiz,  
Ni a zo daoulinet  
Dirazoc'h-c'houi Guerc'hez !

2

Kurun hag avel foll  
Varnomp zo dirollet,  
Hor bro zo vont da goll,  
Truez ! Mamm venniget.

3

Lezen Doue guechall  
A rene kaër ar vro ;  
Hirio lezen tud fall  
He stlej eün d'ar maro.

4

Vel eur vanden chas mud,  
Gant kounnar, noz ha deiz,  
Emaint e-touez an dud  
O klask mouga ar feiz.

5

Ni 'zo gwir gristenien,  
Krouadurien Doue,  
Savet en e lezen,  
En e zoujanz ive.

6

Ni a zo kristenien,  
Prenet gand gwad Jezuz,  
Maget dre c'houre'hemen  
Gant e gorf presius.

7

Kristenien, hor baniel  
A zo kroaz Hor Zalver,  
Ni her zao soun 'n huel  
Bemdez, e peb amzer.

8

Eur brezel kriz meurbet  
Zo great d'hor bugale  
Ah ! n'o dilezit ket,  
C'houi 'zo o Mamm ive.

9

Petra dalv gwiziegez,  
Mar kollomp hon ene ?  
Ar skiant, ar furnez  
A deu deomp euz an nenv.

10

Gwechall hon tadou koz,  
Brudet 'vit ho furnez,  
A glaske 'r Baradoz  
Araok peb gwiziegez.

11

Skianchou 'zo netra  
Pa z'eont enep Doue ;  
Ni fell deomp dreist pep tra  
Savetei hon ene.

12

Gwerc'hez, hor Mamm Zantel,  
Roit sikour heb dale ;  
E plegou ho mantel  
Kuzit hor bugale.

13

E pevar c'horn ar vro,  
Neuze ni holl, Guerc'hez,  
Beteg heur hor maro,  
Ni a gano bemdez.

VIII. — Laudate Mariam

*Diskan*

Laudate, laudate { *bis*  
Laudate Mariam

1

Laudate, Mamm zantel,  
Dreist an oabl skedus  
Hor c'halonou fidel  
A bigno joaüs.

2

Ra jomot hor mestrez,  
Stereden ar mor,  
C'houi eo hor rouanez,  
Rouanez Arvor.

3

D'ar pardaes, er grasou,  
E ti peb Breizad  
Gant Jezuz, hon Aotrou,  
Ho meulomp dalc'hmad.

4

Var lein ar menezion  
Ar pastor denved  
Varzu bolz an nenvou  
A lavar bepred:

5

Var e vagig dister  
Ar martolod paour  
Lavar d'e vamm dener  
Gant eur galon aour:

6

Gant an oad daoubleget  
An tad koz en ti,  
Diskabell daoulinet  
N'ehan d'ho pedi

7

E palez kaër Jezuz  
Bodet dizourzi,  
Eun deiz ni vo eürus  
En-dro da Vari.

-----  
**IX. — Rouanez Arvor**

(ton: *Lez Breiz*).

1

Rouanez Arvor, holl ho saludomp,  
O Guerc'hez dinam, ennoc'h e kredomp (*bis*).

2

O Guerc'hez Vari, dre-holl ha bepred  
C'houi voe gant Breiziz an Intron garet.

3

Guechall hon tud koz, sentus d'ho lezen,  
En em vouestlas holl deoc'houi da viken

4

Hag a-c'houdevez, al le zo miret  
'Vel en deiz kenta ma z'eo bet touet.

5

Hon Arvor a vev dre ho madelez;  
Ni 'zo bugale deoc'houi da jamez.

6

Eus ho pugale, o Mamm, klevit 'ta,  
Klevit ar bedenn hag ar bromesa.

7

O Mamm hor Zalver, evel hon tadou,  
Ni ro da viken deoc'h hor c'halónou.

8

Mes prijit d'ho tro, arc'h a esperans,  
Souten an Ilis, savetei ar Frans.

9

Mar be ret difen he enor d'hor bro,  
Ar Breizad kristen dispount a gerzo.

10

Dindan ho skoazell, epad an emgann,  
Soudard, martolod, ra fae var an tan.

11

Ar micherour paour, al labourer kez,  
A drid o c'halon gant ho karantez.

12

Mamm, roit ho pennoz d'eomp ha d'hon tudou,  
Ha d'hor parkeier, koulz ha d'hon aochou!

13

D'hon tiegeziou ha d'hor bugale,  
Ha d'hor mignoned zo er gear du-ze!

14

D'hor martoloded ho pennoz ivez,  
I gas hoc'h hano d'an Douar-Nevez.

15

Skuilhit ho pennoz var hor soudarded;  
Rentit d'ho baniel he gloar hag he sked.

16

Hag hed hor buez, euz ho krasou c'houi,  
Ni hor bezo sonj, o Guerc'hez Vari.

17

Eus ar roc'h santel, pa vimp en hor bro,  
Ar zonz dudius ganeomp a jomo.

18

Endra bado 'r bruk var hor menezioù,  
Karantez hor Mamm vo 'n hor c'halonou.

19

Rag ho pugale, o Guerc'hez santel,  
A c'hed dreizoc'houi ar vuez eternal.

20

Holl en ho kichen en nenv, cun devez,  
Fell dezo beza, Mamm a garantez.

-----  
**X. — Kantik Intron Varia Rumengol**

*Diskan*

Intron Varia Rumengol,  
Guerc'hez galloudus, remed holl,  
Roit deomp hirio, en han' Doue,  
Iec'hed ar c'horf hag an ene.

1

Lili arc'hantet o deliou  
Var bord an dour zo er prajou;  
Doue dezho a roas dilhad  
A skuill er mezioù peb c'houez vat.

2

O Rumengol, pell amzer zo,  
C'houi eo boket kaera hor bro;  
Peb rozen goant, peb lilien  
A zo disliv en ho kichen.

3

N'eus elestren ebet er prad  
A daolfe kement a c'houez vat;  
E Leon, Treger ha Kerne,  
Ganeoc'h e klever c'houez an Ee.

4

Bleunia 'rit c'hoaz en ho kosni  
E liorzik goudor Mari;  
Rak hor mamm dous n'eo ket edro:  
Pa gar eur vech eo 'vit ato.

5

Var an Arvor gant ar Verc'hez  
Oc'h bet lakeat da rouanez;  
Rumengol eo he merc'h hena,  
Ganthi eo karet ar muia.

6

Hon tadou koz a ioa kousket,  
E tenvalijen ar pec'hed  
Maro: Var roudou peb hini  
Ifern euzus o tigi...

7

Var ar mean ruz e skuillet goad,  
Hag er C'hrannou, e kreiz ar c'hoad,  
A zindan derven Teutates  
Tud veze lazet heb truez.

8

Tec'hit, doneou digalon,  
Setu Guenole ha Grallon;  
Tec'hit, tec'hit... Var ar mean ruz  
Eo savet chapel mamm Jezuz.

9

E leac'h ar goad, dour ar vuez  
A red e iliz ar Verc'hez;  
He c'halon eo an eienen  
Ne vezo dizec'het biken.

10

E Rumengol, ar pelerin  
A bedo start var e zaoulin,  
A velo a dreuz e zaelou  
Evel digor lez an nenvou.

11

Ma salud teir guech an aoter  
En eur adori hor Zalver,  
Teir guech e vezo benniget  
Gant tri Ferson sakr an Dreinded.

12

Ma ra seiz guech tro ar chapel  
Gant Ave an eal Gabriel,  
Mari hen diouallo bepred  
Diouz Satan hag ar seiz pec'hed.

13

Ha ma tigemer an hosti,  
E galon ennan o virvi,  
Ouz Jezuz e chomo stag mad:  
Etrezho birviken kimiad.

14

Pelerined, grit evelse,  
Kaout a refot grasou Doue;  
Hag e vec'h deuet en eur lenva,  
C'houi ielo kuit en eur gana.

=====

XI. -- Kantik pelerined ar Folgoat

*Diskan*

Patronez dous ar Folgoat,  
Hor Mamm hag hon Intron,  
An dour en hon daoulagad,  
Ni ho ped a galon;  
Harpit an Iliz santel!  
Avel diroll a ra...  
Tenn hag hir eo ar brezel!  
Ar peoc'h, o Maria.

1

Eus an Arvor, ar gourre,  
Ni deu d'ho saludi;  
Holl ez omp ho pugale,  
Holl ho karomp, Mari.  
Tud ar gourre, Arvoriz,  
Diredet omp hirio  
Da bedi 'vit an Iliz,  
Da bedi 'vit hor bro.

2

E Rom hag e kalz broiou  
Eo goasket an Iliz;  
Peurlaeret eo he madou  
Gant enebourien griz;  
Hirra ma c'heller guelet,  
Er mor z'eus tarziou guen,  
Bagig sant Per zo strinket  
Eus eur garrek d'eben.

3

Mar d'oc'h Mamm ar gristenien,  
Mar karit an Iliz,  
Hep dale deuit da zifen  
Ho pugaligou geiz:  
Araok ez a o labour  
Gant bugale Satan...  
Mall eo deoc'h dont d'hor zikour  
Ha d'hon tenna a boan.

4

Diouallit na lavarfe  
An dud fall 'zo er bed:  
Guechall ez oa Mamm Doue  
Dous hag eas da garet;  
He diskouarn a ioa tano,  
Klevet a rea raktal;  
Hirio ez eo pounner-gleo,  
Outi eo red krial.

5

Nann, nann... Oh! tavit pelloc'h,  
Rag Mari, tud difeiz,  
Morse ne d'eo bet tommoc'h  
He c'halon en he c'hreiz;

6

Guelet eo bet o lenva  
Var gern ar menezioù,  
Bemdez ema-hi o paea  
Hon dle dre he daelou.

Ar pastor hag an denved  
O dezo eun ehan;  
An aour, pa vez peur-garzet,  
A denner eus an tan.  
Bremaik Jezuz a roio  
E dra da beb hini:  
D'ar re fall poanioù garo,  
Ar peoc'h da dud Mari.

7

Araok mont kuit, o Mari,  
Ni ra eur goulenn all:  
Nikun n'helfe niveri  
Holl c'houliou Bro-C'hall;  
Peleac'h ema he gened,  
He nerz, he vailhantiz!  
Pegen izel eo kousezet  
Merc'h hena an Iliz!

8

Patronez dous ar Folgoat,  
Hor Mamm hag hon Intron,  
An-dour en hon daoulagad,  
Ni ho ped a galon:  
Ar Franz zo braz he enkreiz,  
Mont a ray da netra...  
Outi sellit a druez...  
Truez, o Maria!

9

Bras eo bet hor pec'hejou  
Dister hor pinijenn;  
Rak-se e dourn an Aotrou  
E chom ar vialenn;  
Red eo gounit hor barner,  
Pe divoada er pri.  
Allaz! n'hellomp hen ober  
Nemet dreizoc'h, Mari.

10

Pell-zo c'houi 'zo bet choazet  
Evit hor rouanez;  
E neb bro n'o peuz kavet  
Teneroc'h karantez.  
Tud fidel a vandennou  
A deu d'ho kaout beb bloaz,  
Ha var hent ho chapeliou  
Ne jom eur ieoten c'hlas.

## XII. — Santez Anna

### *Diskan*

Santez Anna, hor Patronez  
Hor zikourit en danjer,  
Ha bezit hon alvokadez  
Dirag Jezuz, hor Zalver.

1

Saludomp gant devosion  
An Intron santez Anna;  
Lavaromp dezi a galon  
En he chapelik ama:

2

Santez Anna, mam ar Verc'hez,  
A dra zur 'zo galloudus;  
He merc'h en nenv 'zo rouanez,  
Gwir vamm d'hor Zalver Jezuz.

3

Pep-unan da zantez Anna  
Gant fizianz, en e boaniou,  
A velomp oc'h en em voestla  
Hag o vont d'he chapeliou.

4

Ar vamm, evit he bugelig,  
D'an Intron santez Anna  
A ra bemdez eur bedennig  
Hag a zesk dezan kana:

5

Ar zoudard, o vont d'an arme,  
D'an Intron santez Anna  
En em erbedo, ha neuze  
A gerzo en eur gana:

6

Ma teu an tourmant da c'houeza,  
Ar martolod a bedo  
E batronez santez Anna,  
Ha dizoursi a gano:

7

Al labourer var e dachen,  
Evit en em ziskuiza,  
Dioc'h e dal a zec'h ar c'houezen  
Hag en em ro da gana.

8

Ar pastor e'bar ar menez,  
E zenved en-dro deza,  
Lies a vech d'e Batronez  
Oc'h eus klevet o kana:

9

O vont d'ar mintin d'e zervez,  
Ar micherour a bedo  
Santez Anna, e Batronez,  
Ha gant fizianz a gano:

10

E pep korn eus a Vreiz-Izel  
An Intron santez Anna  
He deus eun iliz, eur chapel ;  
Deomp holl di da bardonna.

11

Evel hon tud koz, Bretoned,  
Enoromp santez Anna,  
P'ez omp klanv, p'ez omp ankeniet,  
Ne skuizomp ket o kana:

**XIII. — Pedenn da santez Anna-ar-Palud**

(var don: *D'hor mamm santez Anna*).

*Diskan*

Intron santez Anna,  
Ni ho ped gant joa!  
Mirit tud an Arvor  
Var zouar ha var vor!

1

Mamm zantel da Vari,  
Salud a greiz kalon!  
Enor ha meuleudi  
D'hor Mamm ha d'hon Intron

2

Biskoaz n'eus ket klevet  
Klemm eus ho trugarez;  
Ar Palud benniget  
Eo trôn ho madelez.

3

Dous eo bet d'hon tud koz  
Tanva ho karante,  
Ha ken dous ho pennoz  
A vo d'ho pugale.

4

Selaouit hor pedenn,  
Mamm garet Breiz-Izel!  
Selaouit hor goulenn  
Bemdez en ho chapel!

5

Truez evit ar vamm  
A velit ken aounik!  
Dalc'hit, dalc'hit dinamm  
Kalon he bugelig.

6

Truez evit ar paour  
Dirazoc'h daoulinet!  
Truez 'vit ar c'hlanvour,  
O c'honsolit bepred.

7

Skuilhit er parkeier  
Gliz pinvidik an Ee!  
Skoazel d'al labourer,  
Skoazel en han' Doue!

8

D'an den yaouank roit  
Eun tenzor a furnez,  
D'an den koz goulennit  
Eur fin vat d'e vuhez.

9

Er mor bras kounnaret  
Bagig ar pesketour  
Spontus a vo lounket  
Ma ne deuit d'he zikour.

10

En tarziou didruez  
Kerzit, tud an Arvor,  
Rag evel ar Verc'hez  
Eo steredenn ar mor.

11

Bezit ive nerzus,  
Soudarded Breiz-Izel:  
He dourn holl c'halloudus  
Vo ganeoc'h er brezel.

12

Evidomp holl ar bed  
Eo tachen an emgân:  
Oh! n'hon dilezit ket  
Pa m'omp e kreiz an tân.

13

O Mamm santez Anna,  
Dindan ho tiouaskel  
Peger kaer eo beva,  
Peger kaer eo mervel!

-----

#### XIV. — Hano Santez Anna

(ton: *Bale Arzur*).

##### *Diskan*

Santez Anna, hano meulet,  
E Breiz-Izel kement karet,  
Hano dous, hano kaer meurbet!

1

Pe z'oun er boan hag en anken,  
Pe z'oun evurus ha laouen,  
Santez Anna! eo va fedenn.

2

Kriz ar brezel, tennou a zo  
Ken a verv an tân tro var dro,  
Soudard Breiz, tost ar maro!

3

Kentoc'h ar maro 'get an tec'h!  
Santez Anna 'zo hir he brec'h!  
Dreizhi en emgân me vo trec'h.

4

Bihan da vag ha bras ar mor,  
Dinerz da stur, dispeg an eor;  
Krena d'lez, martolod Arvor.

5

Guelloc'h 'get goeliou ha sturiou,  
Santez Anna, dre an tarziou,  
A gas deomp d'ar ger hor bagou.

6

Pe gant da falc'h, pe gant da vâr,  
Pe en ero stog an alar,  
Start eo d'it labourer douar.

7

Pa vez re skuizet va divrec'h,  
Santez Anna 'glaskan d'an nec'h,  
Tre hon daou e lakan ar bec'h.

8

Var e vele pe 'n e gavel,  
Pa velit gwall glanv ho pugel,  
Petra rit, mammou Breiz-Izel?

9

Var hon daoulin ni n'em laka  
D'her goestla da zantez Anna;  
Sur omp teuo da barea.

10

Gant ho penn baz, poan o kerzet,  
Guen kan ho pleo, c'houi daoubleget,  
Tad koz, pe seurt pedenn peuz grêt?

11

Dridal gant dudi ha bennoz  
Gant ar c'hleier a skiltr d'an noz:  
Va mamm am galv d'ar baradoz.

12

Aour hag arc'hant, gened, mor braz,  
Bolz steredennet an oabl glaz,  
Santez Anna 'zo kaeroc'h c'hoaz.

13

En oabl, er mor, var an douar,  
A vouez huel Breiz hen lavar:  
Santez Anna n'euz ket he far!

---

## XV. — Pedenn da Zant Korantin

### *Diskan*

Sant Korantin, patron Kerne,  
Diouallit mad hor bro;  
Grit ma virimp lezen Doue  
Beteg eur ar maro.

1

C'houi zo breman gant an elez,  
Skedus ho kurunen:  
Ni zo er brezel didruez,  
Er boan hag en anken.

2

Eus an ifern eo deuet Satan  
Evit moug a hor feiz;  
Teurel a ra moked ha tân  
E pep korn eus a Vreiz.

3

An dud n'o doa ket kalon gre  
A zo dija d'an traon;  
Mil ha mil all 'gouezo ive  
Ha kreski ray hor c'haon.

4

Ar groaz, an iliz, an Aoter,  
A gren beteg koeza;  
Ma pad re bell ar barr-amzer,  
Setu kollet pep tra.

5

E Kerne, menez ha traonien  
'Zo d'eoc'h a berz Doue;  
Glepet int bet gant ho c'houezen,  
Dalc'hit start d'ho leve.

6

Ho preac'h 'zo dizec'het,  
Mes hepred eo nerzus;  
Dirazhi e ranko tec'het  
Enebourien Jezuz.

7

Doue da dad, c'houi da batron,  
Baradoz d'o ene,  
Mari da Vamm ha da Intron:  
Setu c'hoant tud Kerne.

## XVI. — Sant Per, patron ar barrez

(ton: *Kantik Rumengol*).

### *Diskan*

Aotrou sant Per, hor zant patron  
Kreskit hor feiz, hon nerz-kalon,  
Ma vezimp holl gwir vugale  
D'an Iliz savet gant Doue.

1

Savomp hor mouezioù da veuli  
Hor patron mat, ha d'e bedi  
Evel gwechall hon tadou koz,  
Ma taolo varnomp e vennoz.

2

Pesketour lenn Genezareth,  
Gant Hor Zalver, pa 'z eo galvet  
Da zavetei an eneou,  
Rak-tal a lez e rouejou.

3

Hag hen da heul ar Pastor mat,  
Bemdez gantan o labourat,  
O kas kelou an Aviel  
D'ar bec'herien, d'an dud santel.

4

E feiz zo krenv, ha d'Hor Zalver,  
Oc'h embann mister an aoter,  
E lavar: « C'houi, ha c'houi hepken,  
A ro d'an dud gwir sklerijen. »

5

Dianavezet eo Jezuz,  
Daoust d'e oberou burzudus,  
Simon a lavar koulskoude:  
« C'houi zo ar C'hrist, gwir Vab Doue. »

6

Ha Jezuz dezan a respont:  
« Te a zo Per, ar gwir mean-font  
A vo diazezet varnan  
An Iliz santel er bed-man.

7

Te vezo prins an ebestel  
Ha kenta Pab an dud fidel;  
Eus rouantelez an nenvou  
Me roio d'it an alc'houeziou.

8

Krog en da stur, o pesketour!  
Dre ma zaio gant herr an dour,  
Da gas tud d'an eternite,  
Morse da vag ne ray pense. »

9

E garantez a zo dispar,  
Na tud, na madou an douar,  
Netra outan n'en deus miret  
Da vont da heul Salver ar bed.

10

M'en deus nac'het eur Mestr ken mat.  
Evitan pebez kalonad!  
Gant daelou puilh 'hed e vuhez,  
E verk glac'har ha karantez.

11

Ha pa vo diskennet varnan,  
D'ar Pantekost ar Spered-glân,  
Rak-tal ez ay d'an eneoù,  
D'o savetei a villierou.

12

Ar baianed, ar Juzevien,  
A deui da veza kristenien:  
Na poan, na trubuilh, na prizon  
Netra ne drec'h e nerz-kalon.

13

It, o sant Per, breman da chom  
Pell diouz ho pro, d'ar gêr a Rom,  
D'ar gêr a vo kêr-benn ar bed  
Gant gwad Hor Zalver dasprenet.

14

Goude labouriou ugent vloaz,  
D'ho tro c'houi varvo var ar groaz;  
Mes divar gwad ar verzerien  
E savo danvez kristenien.

15

Savit d'an nenv, pastor karet,  
Eno gant Doue kurunet,  
O! kendalc'hit da rei skoazel,  
Gant ho pedenn, d'an dud fidel.

16

Patron benniget hor parrez,  
Grit ma karimp ar virionez,  
Grit ma klaskimp an nerz-kalon  
E banked ar Gomunion.

17

Grit ma ouezimp, atao sentus  
Ouz an Iliz hag ouz Jezuz,  
Tec'het a-grenn, tec'het bepred  
Diouz an dizurz hag ar pec'hed.

18

Grit ma chomo grizioù ar feiz  
Doun e pep kalon en hor Breiz,  
Evel grizioù ar gwez dero,  
E kreiz kalon douar hor bro.

## XVII. — Santez Jeann' d'Ark

(Var don: *Guit vugale ar Verc'hez*).

*Diskan*

O Jeann' d'Ark, c'houi a drec'has ar Zaozon kriz guechall  
Hag a roaz ho puez 'vit dasprena Bro-C'hall :  
Oh! kennerzit ac'hanomp 'vit ma trec'himp d'hon tro,  
Gant enebourien hor feiz, enebourien hor Bro !

1

E Domremy, el Lorren, e velomp o c'henei,  
En eun ti var ar meazioù hag a gerent izel,  
Ar plac'hig en deus Doue dibabet a viskoaz  
Evit ober en hor bro kalz a varzudou braz.

2

Eun deiz ar plac'h souezet a glev, vel eus an neuy,  
Mouezioù dous evel ar mel hag evelato krenv :  
« O Jeann' d'Ark, taolit eur zell var drubuilhou Bro-C'hall,  
Ha magit an foul start d'he renta dishual. »

3

Hag epad pevar bloavezh an hevelep mouezioù,  
'Vel krenvoc'h krenva bemdez, a zav en he meazioù :  
« O Jeann, d'Ark, savit buhan, redit en han' Doue  
Da zigelc'hi Orlean, da zakri ar roue. »

4

Jeann', heb argila hirroc'h, e penn eun neubeut tud,  
Etouez ar c'hapitened o deus ar muia brud,  
A zailh var gêr Orlean, a c'hounez ar viktor,  
En eur grial a bouez penn ar « Veni Creator ».

5

Hag hep koll eun tamm amzer, dougennet gant he feiz,  
Jeann' a red 'dreuz ar Zaozon da gavout Charlez Seiz,  
Hag a lak an oleo sakr da redek var e benn,  
Evit renta er c'hiz-se startoc'h e gurmenn.

6

Orlean he deus frankiz... Sakret eo Charlez Seiz...  
Jeann, he deus c'hoant do zistroi daved he denved reiz...  
Mes an enebour touet a c'houlenn he maro,  
Hag endro dezhi e sav meur a Judas garo.

7

Setu guerzet d'ar Zaozon Jeann' ar verc'hez kadarn...  
Tamallet da nac'h he feiz eo kaset d'al lez-varn,  
Dirak, n'eo ket eur barner, mes kentoc'h eur bourreo,  
Hag he barn da ve rostet e kreiz an tan ez-veo.

8

E Rouan an tanteziad, gant e deodou tan-flamm,  
A zuilh brema gant fulor korf ar verc'hez dinam ;  
Hag houma gant eur vouez dous, pell diouz fallgaloni :  
« Va Jezuz, plijet ganeoc'h d'an dud-se pardoni. »

9

Kerkent meur a galon saoz a vel o dallentez :  
« Buntet e vimp eus ar Franz, Jeann a zo zantez ! »  
Hag e guirionez goude, Bro-c'hall euz peb emgann,  
Dindan banniel ar zantez, a ra eur viktor splann.

10

Abenn pevar pe hemp bloaz, Bro-C'hall dichadenner  
En em zav da c'hloar skedus an amzer dremenet,  
Rak Jeann d'Ark, heb mar ebet, eus lez ar baradoz,  
Varni ha var he armou a daol puilh he bennoz.

11

O Jeann' d'Ark, eus bar an nenv, mirit da vont da goll  
Hor bro gaer ken dispennet gant eun avel diroll  
A zav terr eus an ifern dre c'hinou tud direiz  
Evit mouga en hon touez goulaouen ar wir feiz.

12

D'eo'h bennoz ha trugarez, enor ha meuleudi,  
Holl a unan en eur vouez e kanomp gant dudi,  
Da c'hortoz an devez kaer ma zimp d'ar baradoz  
Da gana gant an elez hag ar zent, deiz ha noz.

## XVIII. — Beleg da Viken

Var don : Elez eus ar baradoz.  
Pe don : Intron Varia ar Folgoad.

1

Eus an Arvor, ar menez, diredet gant dudi,  
Kanomp hirio da Zoue, kanomp e veuleudi.  
Eun deiz kaer evel heman, deiz eun ofer'n nevez  
A zo eun deiz a vennoz paret var eur barrez.

Diskan

Bennoz, bennoz d'eo'h Jezuz, ha mil gwech trugarez,  
Evit an enor dispar ho peus great d'hor parrez  
O tont enni da zibab hag enni da c'helver  
Unan eus he bugale da vont ouz hoc'h aoter.

2

Evit ober eur beleg, Doue d'ar vadizian.  
A verk gant e zourn santel ar bugel 'zo d'e c'hoant ;  
Ha dre ma kresk en oad, e skiant, e furnez,  
Ahed Doue varnezan a gresk ive berdez

3

Evit ober eur beleg, Doue d'ar bugelig.  
A laka eur vamm gristen e tal e gavelig,  
Eur vamm a oar luskellât ervat he bugale  
E karantez ar Werc'hez, e karantez Doue.

4

Evit ober eur beleg, Doue gant plijadur  
Abred a ro da glevet e c'halv d'ar c'hrouadur  
Hag ar bugel dibabet, sentus ouz monez Doue,  
A lavar a greiz kalon : « D'eo'h oun korf hag ene. »

5

Neuze, eus ar bed tennet, e vey er sioulder  
Hag ar bedann, ar studi, pell a vez e breder...  
Eun deiz, deiz a levenez, e weler var e benn  
Dourn an Eskop astennet... Beleg eo da viken !

6

Skuilhit, Jezuz, ho pennoz var ho peleg yaouank :  
Laoskit varnan ho krasour da redek puilh ha stank...  
Ar beleg eo ho kannad, mignon hon eneou,  
Ho peus karget d'hon henchha betek porz an nenvou.

7

En e zourn sakr ar beleg a zoug alc'houez an nenv ;  
Gant e vennoz an ene a deu nerzus ha krenv.  
O burzud dreist pep burzud ! D'e gomz Jezuz zoken  
Eus uhelder an nenvou davedan a ziskenn.

8

Jezus, an Holl-c'halloudek, Jezus, prener ar bed,  
Jezus gwir Vab an Hini n'eus varman mestr ebet,  
Ouz komz nerzus ar beleg bemdez a zo sentus  
Hag eus e lez a ziskenn var e c'her burzudus.

9

Santez Mari, mamm Doue, rouanez Breiz-Izel,  
Roit d'hor beleg yaouank ho pennoz, ho skoazell.  
E garg a zo dem-henvel, Gwerchez, ouz hoc'h hini :  
Grit ma kendalc'ho bemdez da zanelât enni.

10

Sant Korantin benniget, eus barr skedus an nenv  
Harpit ho peleg yaouank, ho pree'h deoc'h-c'houi zo krenv,  
Ma c'hello var ho roudou pell varnezo kerzet  
Ha skuilh ar wir sklerijenn ho peus d'eomp digaset.

# XIX. — Evit renevezi promesaou ar vadiziant

Var don: *Gwir bugale ar Verc'hez.*

1

Pa zeuas an dour santel da redet var hor penn,  
Pa oue skrivet hon hano var roll ar gristenien,  
Eur youc'haden a gounnar en ifern 'voe laosket  
Hag eur c'han a levezet er baradoz klevet.

DISKAN

Nevezomp a greiz kalon hor promesaou santel,  
Ha startoc'h eget jamez ra vimp d'ezo fidel ;  
En deiz kaer-man unanet, holl gant eur vonez nerzus,  
Kriomp : « Brezel da Zatan ! Karantez da Jezuz ! »

2

Araok ma oamp bet goalc'het e dour ar vadiziant,  
E poueze varnomp, siouaz ! galloud an aerouant  
Adaleg an deiz eurus ma 'z omp bet badezet,  
Dloc'h e skilfou didruez ez omp bet diframmet.

3

Da zevez hor badiziant, hon eneou goalc'het  
A zo deuet da veza ti santel an Dreinded ;  
Deut omp bugale Doue, gwir vreudeur da Jezuz,  
Templou ar Spered Santel. O pebez stad eurus

4

Da zevez hor badiziant, karakter ar c'hristen  
Zo bet var hon eneou moulet evit biken :  
Merk a enor evidomp, mar gounezomp an nenv,  
Merk mezus, a zizenor, ma kollomp hon ene.

5

Da zevez hor badiziant, 'voe graet en hon hano  
Dion bromesa solanel a dileomp miret atao,  
Vidomp e voe prometet trei kein d'an drouk-spered,  
Hag heuilla, hed hor buhez, Hor Zalver benniget.

6

Siouas deomp, re alies hor beus torret hor ger ;  
Nag a wech omp bet dizent ouz mouez Hor Zalver !  
Nag a wech hor beus heuillet ha Satan hag ar bed !  
Ah ! d'hor ger hiviziken, d'hor ger ne vankimp ket.

O deiz kaer 'vit hor parrez ! Promesa nevezet  
Laouenna hor c'halonou, ha ni gav deomp gwelet  
Eleiz a vugaligou o tont eus e gichen  
Da zalc'her en hor parrez atao ar feiz kristen.

## XX. — Peden araok kuitât an iliz

Var don: *Avant de quitter notre Maître.*

1

Araok kuitât Jezuz Hor Zalver,  
En em daolomp en e Galon  
Eno hebken, eno e kaver  
Ar peoc'h, an eürusted guirion.  
Araok kuitât... etc... (beteg: Eno hebken.)

2

Deoc'h, o Mari, Mamm a garantez,  
Kenavo a laromp ive.  
Pa zigouezo termen hor buhez,  
Hor c'hasit holl ganeoc'h d'an Ee.  
Deoc'h o Mari, etc...

3

Ha c'houi, Pried santel ar Werc'hez,  
Joseph, bet truez ouz hor stad;  
Beilhit varnomp a hed hor buhez.  
Ha grit deomp kaout eur maro mat.  
Ha c'houi, Pried santel... etc...

Kannaded Doue, elez santel,  
Sellit ouzomp gant trugare;  
Astennit varnomp ho tiouaskel;  
Grit deomp kerzet varzu an Ee.  
Kannaded Doue... etc...

5

Bezomp sonj mat eus hon tud varo,  
Eus hor c'herent, hor mignoned;  
Pedomp ha greomp pinijen 'vitho,  
Ma vint dizale dibaniet.  
Bezomp sonj mat... etc...

## XXI. — Kantik ar Zilvidigez

Var don: *D'hor mamm santez Anna.*

*Diskan:*

O Mari, o mamm vat  
Grit deomp kompren ervat  
Eo ar zilvidigez  
Labour bras hor buhez.

1

Savetei hon ene  
Eo al labour kenta,  
Merket d'eomp gant Doue,  
Da ober er bed-ma.

2

Peb hini n'en deus bet  
'Met eun ene hebken;  
Eur wech unan kollet,  
Rapari n'heller ken.

3

D'in-me petra dalfe  
Kaout madou ar bed holl,  
Ma zaffe, da c'houde,  
Va ene paour da goll?

4

Talvout 'ra hon ene  
Dreist an aour, ar perlez;  
Peb ene d'eun Doue  
Zo koustet e vuhez.

5

O pegen diskiant  
Ha pegen didalvez  
Eo an den dizeblant  
Ouz e zilvidigez.

6

Pa deñio ar maro,  
Dioc'htu vezimp barnet  
Hon ene vit ato  
Vo salvet pe zaonet.

7

Hirio e c'hellomp choas  
An ifern pe an Ee ;  
Re zivezad varc'hoaz  
E vezo marteze.

8

Chench a rankan hirio  
Heb dale tamm ebet.  
Ah ! kousto pe gousto  
'Fell d'in beza salvet.

-----  
**XXII. — Pedennou**  
**goude bennoz ar Zakramant**

Meuleudi da Zoue.

Meuleudi d'e Hano Santel.

Meuleudi da Jezuz-Krist, guir Doue ha guir den.

Meuleudi da Hano santel Jezuz.

Meuleudi d'e Galon Zakr.

Meuleudi da Jezuz e 'Sakramant an Aoter.

Meuleudi da Vamm Doue, ar Werc'hez glorius.  
Vari.

Meuleudi da Vari konsevet heb pec'hed.

Meuleudi da zant Joseph, pried glan ar Werc'hez.  
Vari.

Meuleudi da Zoue dre an elez hag ar zent eus ar  
baradoz.

|                                 | Pajen |
|---------------------------------|-------|
| Adoromp Doue .....              | 6     |
| Aotrou sant Per .....           | 35    |
| Araok kuitât .....              | 44    |
| Da feiz hon tadou koz .....     | 10    |
| D'hor mamm santéz Anna .....    | 14    |
| Eus an Arvor .....              | 40    |
| Intron santéz Anna .....        | 28    |
| Intron Varia Rumengol .....     | 20    |
| Kanomp holl, kristenien .....   | 12    |
| Kinnigomp holl .....            | 1     |
| Klevit, o mamm a drue .....     | 8     |
| Laudate .....                   | 17    |
| Meuleudi da Zoue .....          | 47    |
| O Jeann' d'Ark .....            | 38    |
| O kristenien .....              | 3     |
| O Mari, o mamm vat .....        | 45    |
| Patronez dous ar Folgoat .....  | 23    |
| Rouanez Arvor .....             | 18    |
| Pa zeuas an dour Santel .....   | 42    |
| Santéz Anna, hano meulet .....  | 31    |
| Santéz Anna, hor patronez ..... | 26    |
| Sant Korantin .....             | 33    |

